



Cyfoeth Naturiol Cymru

Cyfarfod Bwrdd

18 Mawrth 2013

Teitl y Papur	Polisi a Chanllawiau Gorfodi ac Erlyn Cyfoeth Naturiol Cymru, a Sanctiynau Sifil.
Cyfeirnod y Papur:	Papur 7 (03/13)
Paratowyd y Papur gan:	Ann Weedy

Pwrrpas y Papur:	Cyflwyno polisi diwygiedig yn dilyn ymgynghoriad cyhoeddus.
Argymhelliad:	Cymeradwyo'r polisi
Angen Penderfyniad:	Oes

Effaith: Dylid nodi – mae'n bosib nad yw pob pennawd yn berthnasol i'r pwnc	Effaith ar yr Amgylchedd: Ar gyfer troseddau amgylcheddol llai difrifol, gall sanctiynau sifil sicrhau gwaith i adfer y difrod. Effaith ar yr Economi: Gellir osgoi achosion llys drud a hirfaith. Effaith ar y Gymuned: Dylai'r cyhoedd weld manteision wrth i arian gael ei wario ar adfer yr amgylchedd yn hytrach nag ar gosbi. Effaith ar Wybodaeth: Amherthnasol
--	---

Y Pwnc

1. Fel rheoleiddiwr, yn ôl y gyfraith mae'n ofynnol bod Cyfoeth Naturiol Cymru yn cyhoeddi polisi gorfodi er mwyn dangos ei fod, pan mae'n ymgymryd â gwaith gorfodi, yn gweithredu mewn ffordd sydd wedi'i thargedu ac sy'n deg, yn dryloyw, yn gyson ac yn atebol.

Crynodeb

2. Mae ein fersiwn ddrafft o'r Polisi Gorfodi ac Erlyn a'r canllawiau wedi bod yn destun ymgynghoriad cyhoeddus. Mae'r ymgynghoriad wedi dod i ben erbyn hyn ac mae crynodeb o'r ymateb yn cael ei baratoi ar gyfer y rhai a ymatebodd.
3. Darperir y polisi a'r canllawiau diwygiedig yn Atodiad 1 y papur hwn.

Cefndir

4. Darparwyd cefndir y polisi hwn yn y papur i'r Bwrdd ym mis Rhagfyr.
5. Cafwyd ugain ymateb i gyd, gan gynnwys gan elusennau ac ymddiriedolaethau cadwraeth, sefydliadau yn y sector cyhoeddus a diwydiannau a reoleiddir.

Materion

6. Roedd y rhan fwyaf o'r ymatebion yn gadarnhaol ac yn cefnogi ein dull gweithredu. Manteisiodd amryw ar y cyfle i fynegi pryderon hanesyddol am gofnod gorfodi gwan, ar sail profiad blaenorol. Roedd y sylwadau gan y rheini a oedd yn cael eu rheoleiddio yn annog parhau i ddefnyddio cyngor ac arweiniad fel ymateb gorfodi.
7. Sylwyd ar ddau gangymeriad technegol yn nogfen esboniadol yr ymgynghoriad, sef i) nid yw Sanctiynau Sifil ar gael ar gyfer cynllun effeithlonrwydd ynni CRC, ii) ni fydd rheoliadau Cludo ar draws Ffiniau yn berthnasol yng Nghymru ar gyfer y diwrnod cyntaf. Byddwn yn cyfeirio at y rhain yn ein crynodeb o ymatebion. Fodd bynnag, gan nad oedd y rhain yn rhan o'r dogfennau polisi eu hunain, nid oes angen gwneud unrhyw newidiadau. Rydym wedi addasu Atodiad 1 y Canllawiau i nodi nad oes cyfyngiad ar gosbau ariannol amrywiadwy yng Nghymru.

Y Camau Nesaf

8. Bydd crynodeb o'r ymatebion yn cael ei lunio ac yn cael ei roi ar wefan Llywodraeth Cymru cyn 1^{af} Ebrill.

Y Risgiau

Amherthnasol

Goblygiadau Ariannol

Amherthnasol

Cyfathrebu

9. Yn amodol ar gymeradwyaeth y Bwrdd, byddwn yn sicrhau bod y polisi a'r canllawiau sy'n cyd-fynd ag ef ar gael ar wefan Cyfoeth Naturiol Cymru. Bydd staff yn cael gwybod am y polisi newydd drwy'r Canllawiau Hanfodol ar gyfer y Diwrnod Cyntaf.